

# INUIT ATAQATIGIIT

## INATSISARTUNI



Nuuk 30. Maj 2016

Matumuuna Inatsisartut suleriaasianni §37 naapertorlugu Naalakkersuisunut apeqqutit ingerlatippakka.

### Apeqqutit:

- 1. Illuut A/S aningaasaqarnikkut inissisimanera aammalu pigisat nalillit eqqarsaatigalugit takussutissat tunniunneqarsinnaappat?**
- 2. Aningaasaqarneq Illuut A/S-ip ingerlanneranut inuiaqatigiinnut akilersinnaanerpaajua?**
- 3. Visit Greenland A/S aamma Greenland Holding A/S inuussutissarsiornikkut takornariaqarnikkut siuarsaanermi agguaqatigiissillugu ukiumut suliffissat qanoq amerlatigisut pilersittarpaat?**
- 4. Inuussutissarsiornikkut siursaanissaq pitsaanerpaamik siursaaaviginiarlugu aamma suliffissat pilersinniarlugit ingerlatseqatigiiffiit inuiaqatigiinniit annerusumik minnerusumilluunniit piginneqataaffigineqartut suliffissanik nutaanik pilersitsinerpaartaat sorliua?**
- 5. Sungiusaataasumik ilinniartoqarneq suliffeqarfinni inuiaqatigiinni pigineqartuni sorleq ilinniarsiunerpaava?**
- 6. Mittarfeqarfiit sulisorisaminni nutaanillu atorfinitsitsisarnermini ukiut kingulliit tallimat qanoq amerlatigisunik nunatta avataaniit atorfinitsitsisimappat?**
- 7. Mittarfeqarfiit nunatta avataaniit sulilersitai qassiuppat imaluunniit nunatsinniingikkaluarlutik nunatta avataani atorfeqartitai inuit suliffiillu qassiuppat?**
- 8. Ukiuni tulluuttuni mittarfeqarfiit sorliit naalakkersuisuniit matuneqarnissaat siunniunneqarsimappat?**
- 9. Mittarfinnik matusinissamik aalajangiinermut tunngaviusut ilanngullugit tunniunneqarsinnaappat?**
- 10. Inuussutissarsiornermik siursaanermi ingerlatseqatigiiffiit inuiaqatigiinni pigineqartut suleqataaffigisaannik inuussutissarsiorfiit nutaat qassit pilersinneqarsimappat?**

(Inatsisartuni ilaasortaq Aqqaluaq B. Egede, Inuit Ataqatigiit)

### Tunngavilersuut:

Inuiaqatigiinni ingerlatseqatigiiffiit piginneqataaffigisavut aamma inuussutissarsiornermik suliffissaqartitsiniarnermillu nutaaliornissamik siunertallit aningaasarpassuarnik ingerlatsiviupput. Taamaammallu ilisimasaqarfiginissaat angusaqarnissaallu assut pingaaruteqarpoq. Nunatsinni suliffissameerneq, aningaasameernerlu eqqarsaatigalugit suliffeqarfiit pineqartut aamma kivitseqataasimanersut paaserusunnarmat. Apeqqutit nassiussakka ullut qulit qaangiutsinnagit akineqarnissaat kissaatigaara.